

Diario

E MATUTINO DI ARUBA

DIAMARS 24 DECEMBER 1991

**DROGA TA BIRA
PRETEXTO PA ACTUA
CONTRA INOCENTENAN**

PUEBLO TA DISGUSTA CU MEDIDANAN NOBO CU PASAPORTE

EXPANSION CENTRO MEDICO SAN NICOLAS

ORANJESTAD (AAN) E contratista Nahar General Construction, Diabierna ultimo a haci entrega di e proyecto renobacion y expansion di Centro Medico San Nicolas.

E expansion ta encera un total di 114 metro cuadro cu oficinanan pa consulta pa 3 medico. Henter e proyecto a costa alrededor di 201.699 florin y e contratista a logra entrega e proyecto den menos di 100 dia, esta finalisa e trabao den 80 dia cu 90 porciento di trahadornan local.

Dr. Ceryll Zaandam, encarga cu e maneho diario di Centro Medico tabata masha contento cu e expansion ya cu esaki ta haci posible cu e

habitantenan di pariba di brug por haya mas servicio, specialmente nos grandinan. Na principio di otro aña Centro Medico San Nicolas lo bay tin servicio di un Docter di wowo, Docter di Rinon, cirujano y internista kendenan tur lo tene consulta pa patientnan pariba di brug.

Dr. Zaandam a gradici Ministro di Obras Publicas y Salubridad Publico Pedro Kelly pa e sosten duna pa realisacion di e proyecto importante aki pa bienestar di Salubridad Publico, especialmente pa esnan pariba di brug.

Na e ocasion aki Sr. Nahar a haci un donacion na Verpleeghuis San Nicolas y Village Florence Eldery Homes.



STAFF DI DIARIO TA DESEA
PUEBLO DI ARUBA UN
**FELIZ
PASCO**

